



Inatsisartuni ilaasortaq  
Naaja H. Nathanielsen

**Aatsitassarsiornermi Aningaasaateqarfik pillugu Inatsisartut inatsisaata  
allangortinnissaanut siunnersuut pillugu § 37-mi apequt nr. 96-imut  
akissut**

29-04-2014  
Sags nr. 2013-90331  
Dok. nr. 1383017

Asasara Naaja H. Nathanielsen

Postboks 1601  
3900 Nuuk

Inatsisartut suleriaasianni § 37 naapertorlugu Naalakkersuisunut makkuningga  
apeqqutilliisimavutit:

Tlf. (+299) 34 50 00  
Fax (+299) 32 56 00

E-mail:  
isiin@nanoq.gl  
www.nanoq.gl

- 1) *2013-imi ukiakkut ataatsimiinnermi oqaluuserisani, imm. 85 tunngavigalugu  
siunissami aatsitassarsiorfiit Aatsitassarsiornermi Aningaasaateqarfimmut  
aningaasanik akiliinissaminnut taarsiullugu aningaasanik nalilinnik  
tigussaasunik akiliuteqartalernissaanut periarfissaqalernissaa,  
Naalakkersuisut ersarissumik sukut uppernarsaatissaqartippaat?*

Aatsitassarsiornermi Aningaasaateqarfik pillugu Inatsisartut peqqussutaata  
allangortinnissaa pillugu siunnersuummut oqaaseqaatini Naalakkersuisut  
oqaatigaat allannguutissatut siunnersuummi aatsitassarsiornermit isertitat  
ilarujussuisa erniinnaartumik atugarissaarnermut siunertanut aamma  
attaveqarfiit pitsanngorsarnerinut atugarinissaannut aarleqquteqartoq,  
aatsitassarsiornermi aningaasaateqarfimmi isertitat ileqqaarnagit,  
taamaalillunilu maannakkut inatsisaasumi tunngavigisitatut annertussusilimmik  
aningaasaateqarfimmi ileqqaarisooqassannginneranut siunnersuut  
periarfissiillunilu inatsisitigut naapertuutsitsilerpoq.

Naqqiut 2-mi 2. april 2014-imeersumi taamatut isumaqarneq Inatsisit  
eqqortuunissaannut ingerlatsivimmit (Lovteknisk Funktion) tapersernekarpooq:  
"Taamaattorli taamatut killilersuineq tunngavissiissutigineqaraluartoq  
siunnersuutip Namminersorlutik Oqartussanik aalajangersimasumik –  
annertunerusumik imaluunniit annikinnerusumik – akiliutinik aningaasatut  
akiliutitut ittunik tigusinissamut taarsiullugu timalittut naleqassutsinik  
pissarsisinnaneranut siunnersuutip aarleqqutaasumik

nassataqartitsisinnaanera qularutissaanngilaq, pigisallu taakku nalingat aningaasaateqarfimmut tussanngitsut.”

- 2) *Naalackersuisut isumaqarpat ulloq tunniussivissaq eqqorlugu inatsisissatut siunnersuut pingaartumillu oqaaseqaatit tunniunneqartut una pillugu: “Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allanngortinnissaa pillugu nr. 6 5. december 2008-imeersoq Inatsisartut inatsisaat nr. xx, xx.xxxx-imeersoq” – aningaasanik nalillit tigussaasut Aatsitassarsiornermi Aningaasaateqarfimmi aatsitassarsiornermit isertitanut ilaatinneqannginnissaannik ukiakkut Inatsisartut aalajangiussaata iluaqutissartaasa ajoqutissartaasalu qulaajarluarneqarnissaannut naleqqiullugu tamakkiisumik eqqortunik takutitsisut? Apeqqut taamaallaat “aap”-imik “naagga”-milluunniit akineqassaaq.*


Inatsisinut siunnersuutitut oqaaseqaatit Naalackersuisunit saqqummiunneqartut eqqortuullutillu naammattumik allasimallutillu paasisutissanik tungaveqartuunissaat Naalackersuisut Inatsisartunut akisussaaffeqarput, inatsimmut siunnersuummi oqaaseqaatit aallarniutigalugu inatsisissatut siunnersuutip Inatsisartuni taassumalu ataatsimiititaliaani oqaluuserineqarnissaa siunertaralugu Inatsisartuni ilaasortanik paasisitsiniutaasussaammata.

Aatsitassarsiornermi Aningaasaateqarfik pillugu Inatsisartut inatsisaata allanngortinnissaa pillugu siunnersuummut oqaaseqaatini naqqiut nr. 2, 2. april 2014-imeersukkut Lovteknisk Funktionimit oqaaseqaataasunik immikkoortumik ilaneqarsimavoq. Ilisimaneqartutut najoqqutassarisatut tunniussinissamut killissarititap 11. februar 2014-imeersup kingornatigut Lovteknisk Funktionip oqaaseqaatini tunniuppai. Oqaaseqaatit kinaassusersiortuunngillat, tatiginartuullutillu, aammalu ilaatigut inatsimmut siunnersuummi pingaarutilittut ajoqutaasinnaasunik imaluunniit nalorninartuusinnaasunik qaammarsaallutik, taamaalillutik ammasumik saqqummiunneqarlutik. Pisortanut aningaasaqarnikkut kingunissaasinnaasut erseqqissumik saqqummiusimanissaat pingaartuuvoq.

Oqaaseqaatit ilusilersorlugillu imarisassaannut piomasqaataasunut naapertuutsinnissaannut Naalackersuisuni ilaasortaq akisussaaffeqarpoq. Taamaattumik siunnersuutip sunniutai oqaaseqaatini piviusorpalaartumik naammattumillu isumagineqarsimanissaasa isumannaarnissaanut Naalackersuisuni ilaasortaq pisussaaffeqarpoq. Aningaasatut ilusilinnik akiliutinik tigusinissamut paarlaassisumik Namminersorlutik Oqartussat – annertunerusumik imaluunniit annikinnerusumik – annertussuseqartumik

timalittut naleqassutsinik tigusaqarnissaanut siunnersuut  
qularutissaanngitsumik aarleqqutaasumik nassataqarnissaa piviusorpiani  
pineqartuuvoq, aarleqqullu taanna oqaaseqaatini itisilersukkamik  
nassuiaavigineqarpoq. Danmarkimi børnechecki pillugu suliaq ilinniutigalugu,  
tassalu suliaqarfimmi oqartussaasuusumit naliliisoqarnerup  
qaangiinnarneqarnissaa aalajangiunneqarnera, Inatsisartut  
aalajangiisoqalernerani siunnersuut akuersissutigineqassappat  
kingunissaasinnaasunik suliaqarfimmi oqartussaasutut naliliissutaasoq  
Inatsisartut ilannguttariaqarpat.

Inussiarnersumik inuulluaqqusillunga

  
Jens-Erik Kirkegaard